

kuglugianiglo nunivakaniglo nerrijut, tãpkoa attautsekut nungutaujomãrput, okarpok Nãlegak.

18 Uvangalo piniarningit issumangillo (sugiarutigijomãr-pakka). Nellintijomãrporlo nellojut okausiggillo illũnamatsiatik kattersortauviksangat, tikkitsomãrmatta, nertornarnera takojartorlugo.

19 Nellunaikutaniglo tuuidijjomãrpunga. piulijaumajullo illangit tillijomãrpakka nellojunut: Terssemut Pãlemullo Lũdemullo, pittiktarpaktmut, Tũbalemullo Nãvanemullo kikkertanullo ungasiktunut, okautigijaunimuk tussalungitunut, nertornanimmiglo takolungitunut; nertornarneralo okautigijaksarivãt nellojut akkornganne.

20 Kattangutiselo tamaita nellojunit tamainit tamaungar-titsomãrpait, tunergutiksarivlugit Nãlekamut, horsikut kemuk-sikullo akkerautikkullo horsejãrtokullo kamelikullo Jerusa-lemut, kakkamnut ivsornaitomut, okarpok Nãlegak, sãrlo Israëlikkut tunergutiksantik illulekutine ivsornaitune kaitsi-vangmatta Nãleka iglunganut.

21 Tãpkoalo illangit anerijomãrpakka, ajokertuijõrkovlu-git leviteorkovlugillo, okarpok Nãlegak. (I. Petr. 2, 5.)

22 Sãrlo kilak nutãk nunalo nutãk pingortitsomãrtakka aulajuitõngmatta kãnama sãngane, okarpok Nãlegak, taimak-tauk kinguvãksase attiselo aulajuitõjomãrput.

23 Takkek nutaulerangat, sabbatekalerangallo uviniggit illũnamatsiatik tikkitsomãrput tuksiaromavlutik sãmne, okarpok Nãlegak.

24 Annijomãrpullo takojartorlugit tokungajut uvamnut idluitullijut timingit; taipkoa kuglugiangat tokoniatsangimat, ikkomangalo kamminiatsangimat; uvinilingnullo illũnainut makojugijaujomãrput. (Mark. 9, 44.)

